


GILETS NOIRS

La peur a change de camp. les gilets noirs sont là !



DEENTANAGOL HOORE MUM DANNIYANKE, JATTINAARE JOOM'EN BALEEJI EN. (GILETS NOIRS)!

1. Kala to danniyanke tampinaa, joom en BALEEJI'en (Gilets Noirs) ina mbaawi ummaade!
Do amen doo, bakkorgol leydi Farayse ko : Koynugol, Kuutoragol, Jaltingol leydi
2. Emin kebloo jamma e ñalawma, e nder fuwaayeeji haa e nder mbeddaaji ngam salaade ndii leydi leñam-leñamiiri e wallidiibe mum.
Ko min jeyaabe e leydeele keewde, emin mbada batuuji amen e demde ceertude.
Laamu nguu fof e añande min jam, emin nguuri politikaaji amen no haanirta nih e dow ndimaagu. Min nattii suudaade !
3. Wadi min doo ko hillanaade wuurbé e fuwaayeeji e bone poliseeji raddoobe yimbe.
Min ngondi ko e danniyankee werlaabe e mbeddaaji to naatirde Chapelle walla to naatirde Aubervilliers to danniyankee rewbe walla worbe mberletee posone walla piyee karwasuji ummaade e poliseeji.
4. Emin kebii e ummodaade hay sinno ko ujunere neddo so min njiyii gollinoowo ciibotoodo yiyyam danniyanke !
5. Ma min moobondir e ayrepooruji kala nde laamu Farayse felliti yaltinde arani'en, nawta dumen to leydeele mumen; so afganistaannaajo, so Sudaannaajo, so Senegaalnaajo walla kala leydi mbaawndi wonde.
6. Ma min ngaybin e kala fartañjeeji, njiimaandi tuubakoobe, hareeji, e nguyka ngaluuji ; wona ko leydi Farayse walla ko leydeele godde cemmbolinde, diiwaaniyankooje walla adunayankooje.
7. Yonta gadano, dimmo walla tatabo, ma min pirtu nokkuuji bitteende !
8. Kulol eggii to hodnoo. Woppude amen besnguuji amen, taccitde amen jeereende, taccitde amen maayo haadngo, yande amen e galleeji perefeeji, yande amen e jogiibe ndeenka, yande e ayrepor, yande e Panthéon, Joom en BALEEJI'EN nani pelliti ! Kulol eggii to hodnoo
9. Kala ko danniyanke wadata e Farayse, o foti dum wadde ko e Nibbere Ko min Joom'en Ooli'en di mette balwini !

JOOM'EN BALEEJI'EN HOL KO COKLI ? KAAYITAAJI !

Min cokli ko hebde kaayitaaji minen fof, debbo heen e gorko heen ; yoo taw min ngor e Farayse ko ñalawma gooto walla ko duubi sappo, wona ko min gollotoobe walla tawa min ngalaa golle, minen e wodbe jogorbe arde. **Minen fof ko min danniyankee.** Min ngoppataa peccon min e wiye bee ko dabbitoobe to cuudii, bee ko mooliibe walla bee ngalaa kaayitaaji. Min natti hankadi hulde polis walla maayde, hulbini min hannde ko Koyeera.
Minen, emin mbeltii e ko min ngor koo, emin mbeltii e guri balli amen, emin ndogda e mbelemma amen oo jamma e ñalawma. Mbelemma amen oo ko heen min njibidinaa, ko heen min maaydata.

Min ngonaani tan e habanaade kaayitaaji, kono ko habaade laamu cosoowu be ngalaa kaayitaaji. Min kabatee ko ngam wooda nguurndam pawidam e ndimaagu.

Kala habatoobe Laamu, koyeera e leñam-leñamaagu, ko e doggol amen jeyaa.
Min nguuri ko e sahaa daartol do miliyoñaaji leyfi kiidaadi ummidtoo
kam'en fof e nder aduna oo.

Ma min mballit kala fedde etatoonde les ummaade ngam habaade leñam-leñamaagu
e kuutoragol innama aadee ; wona to Farayse
walla e nokkuuji goddi.
Dii hareeji fof ko di amen.



**WONAA MBEDDAAJI. WONAA KASOOJI.
KAAYITAAJI E WALLITAARE!**